



REPUBLIKA E SHQIPERISE
MINISTRIA E FINANCAVE
DREJTORIA E MAKROEKONOMISE

EKONOMIA DHE BUXHETI



ECONOMY AND BUDGET

**GUSHT - AUGUST
2005**

TIRANE

Raporti Mujor

Gusht 2005

Personi i kontaktit: Luiza JANO



PERMBAJTJA

1. VECORITE KRYESORE.....	4
2. TIPARE TË TABELAVE SPECIFIKE.....	6
a. IÇK DHE TREGUES TË TJERË.....	8
b. SEKTORI FISKAL*.....	11
c. SEKTORI I JASHEM.....	13
d. SEKTORI MONETAR.....	14
3. TABELAT MBËSHTETËSE	
a. Indeksi i Çmimeve të Konsumit	
b. Kursi i këmbimit	
c. Buxheti i konsoliduar	
d. Shpenzimet institucionale	
e. Shpenzimet sipas funksionit	
f. Investimet	
g. Të ardhurat sipas burimeve	
h. Të ardhurat sipas klasifikimit ekonomik	
i. Financimi i defiçitit	
j. Mjete valutore neto	
k. Krediti i brendshëm	
l. Oferta e parasë	
m. Depozitat sipas burimeve	

*Të dhënat e sektorit fiskal janë të dhëna paraprake
Fiscal sector data are preliminary data.


1. VECORITE KRYESORE :

- ❖ **Indeksi i çmimeve te konsumit** ne muajin Gusht, arriti ne 105.6 perqind, duke shenuar nje rritje mujore prej 0.2 përqind, pas uljes prej 1.2 perqind dhe 0.5 perqind, perkatesisht ne muajt korrik dhe qershor. Norma vjetore e inflacionit, Gusht, ishte 2.3 perqind duke qendruar brenda objektivit te Bankese se prej 2 – 4 perqind.




- ❖ **Kursi mesatar i kembimit** per muajin Gusht 2005, ishte:

- 99.17 leke per dollare
- 121.94 leke per euro



Ne muajin Gusht, ashtu si ne muajin paraardhes vihet re nje mbicimim i lehte i monedhes sone kombetare, kundrejt dy monedhave kryesore, Euros dhe dollarit amerikan. Ky eshte reflektimi i sjelljse se ketyre dy monedhave ne tregjet nderkombetare monetare si dhe i ardhjes se turisteve dhe emigranteve gjate sezonit turistik ne vendin tone.

Gjate muajit qershor 2005, normat e interesit te depozitave 12 mujore ne leke, ashtu si nje muaj me pare, kane pesuar nje renie ne vlere absolute prej 0.98 perqind krahasuar me muajin Maj, duke vazhduar ne kete menyre trendin e tyre renes gjate gjithë vitit 2005. Kjo ecure ka ardhur si nje pergjigje ndaj politikave te ndermarra nga Banka e Shqiperise, ku mund te permendim ate te uljes se normes baze te interesit. Bankat e nivelit te dyte kane ulur ne pergjithesi interesat e pranimit të depozitave, me synim uljen e koston për to, duke ulur me pak interesat e bonove të thesarit, të cilat përfaqësojnë te ardhura.




Renien me te ndjeshme gjate kesaj periudhe e kane patur normat e interesit te depozitave 12-mujore dhe 6-mujore, respektivisht me rreth 3.07 perqind dhe 2.33 perqind, krahasuar me te njejten periudhe te vitit te kaluar.

Krahasuar me muajin maj 2005, renie ka patur edhe per depozitat me afat gjashtemujor me 0.64 perqind, te normave me afat tremujor me 0.57 perqind dhe te normave me afat njemujor, me 0.36 perqind.

❖ **Situata buxhetore**

Ne fund te muajit Gusht 2005, situata buxhetore, paraqitet si vijon:

1. **Deficiti i pergjithshem** buxhetor arriti ne rreth 15.4 miliarde leke, ose rreth 36.65 perqind e deficitit buxhetor per vitin 2005.
2. **Te ardhurat gjithsej** arriten ne rreth 125 miliarde leke ose rreth 60.64 perqind e programit vjetor 2005.
3. **Shpenzimet buxhetore** arriten ne rreth 140.6 miliarde leke, ose rreth 56.57 perqind e totalit te shpenzimeve buxhetore te planifikuara per gjithë vitin 2005.




- ❖ **Deficiti i pergjithshem** arriti ne 15,452 milione leke nga 17,233 milione leke te parashikuar per kete periudhe 8-mujore, duke perballuar ne kete menyre kryerjen e shpenzimeve ne kohen e duhur.
- ❖ **Të ardhurat gjithsej** arritën në rreth 60.64 përqind të parashikimit vjetor. Ato përfshijnë:
 - Mbledhjet e te ardhurave tatimore nga administrata e tatimeve dhe doganave në 61.83 përqind të programimit vjetor;
 - Kontributet për sigurimet shoqërore prej 62.81 përqind;
 - Të ardhurat jo-tatimore 53.81 përqind e buxhetit vjetor; dhe
 - Të ardhurat nga pushteti lokal, 75.27 përqind e planifikimit vjetor

Megjithëse shpenzimet totale ishin rreth 56.57 përqind e buxhetit vjetor, **shpenzimet korrente** arriten ne rreth 121,716 milione lekë ose rreth 63.11 përqind e programimit vjetor, pjesërisht si rezultat i shpenzimeve të larta në pagesat e interesit me rreth 60.17 përqind te buxhetit vjetor, te shpenzimeve per sigurimet sociale me rreth 65.01 përqind e buxhetit vjetor dhe i shpenzimeve të larta operative dhe te mirembajtjes me rreth 66.19 përqind e buxhetit vjetor.

❖ **Bilanci i pagesave**


Bilanci i pagesave per muajin Mars 2005, rezultoi me nje sufiçit te pergjithshem prej 5.6 milion dollare. Kjo ishte rezultat i nje:

- deficiçi te Llogarise Korente, prej rreth 1.8 milion dollare;
- suficiti te Llogarise se Kapitalit, prej rreth 16.6 milion dollare;
- suficiti te Llogarise Financiare, prej rreth 35.3 milion dollare;
- bilanci negativ ne “Gabime dhe Harresa neto” prej rreth 44.5 milion dollare.



Komponentet kyç të deficitit të **Llogarise Korente** prej 1.8 milion \$ ishin nje:


- bilanc tregtar negativ prej 130.8 milion dollare;
- suficit prej 2 milion dollare ne bilancin e sherbimeve;
- suficit prej 15.4 milion dollare ne bilancin e te ardhurave;
- suficit prej 111.6 milion dollare ne transfertat/ te ardhurat nga emigrantet.




Në baze kumulative, në fund të 3-mujorit 2005, bilanci i pagesave rezultoi me suficit të përgjithshëm, prej 12.7 milionë dollare.

Komponentët kyç ishin:

- deficieti prej 56.3 milionë dollare, në llogarinë korrente,
 - suficiti prej 46.6 milionë dollare ne llogarine kapitale,
 - suficiti prej 19.5 milionë dollare në llogarinë financiare,
 - bilanc pozitiv i gabimeve dhe harresave neto prej 2.8 milionë dollare.
- ❖ **Oferta totale e parasë**, e matur nga M3 arriti në 542 miliardë lekë në fund të muajit qershor, duke shenuar një rritje me rreth 18 përqind në krahasim me të njëjten periudhë të vitit të kaluar , nga 13 përqind që ishte në fund të muajit dhjetor.



- ❖ Kjo rritje erdhi si pasojë e rritjes së **depozitave pa afat** në lekë me rreth 84 përqind, depozitave në valutë me rreth 30 përqind, depozitave me afat në lekë me rreth 7 përqind dhe rritje të parave jashtë sistemit me rreth 15 përqind, krahasuar me një vit më parë.



Ndikimin kryesor në rritjen e ofertes monetare gjatë muajit qershor, ashtu sikurse edhe muajin e kaluar e kanë patur rritja e depozitave në valutë të huaja, të cilat vetëm gjatë këtij muaji u rritën me rreth 4.8 miliardë lekë.

2. TIPARE TE TABELAVE SPECIFIKE:

a. Indeksi i Çmimeve te Konsumit dhe tregues të tjerë:

Indeksi i Çmimeve te Konsumit

Indeksi i Çmimeve te Konsumit per muajin Gusht pati nje rritje prej 0.2 perqind, krahasuar me muajt Korrik dhe Qershor 05 ku ky tregues rezultoi me ulje, perkatesisht me 1.2 dhe 0.5 perqind.

Ndryshimet respektive ne te njejtet muaj te nje viti me pare ishin – 0.2 perqind, - 0.2 perqind dhe – 1.4 perqind.

Kjo rritje prej 0.2 perqind e indeksit te çmimeve te konsumit per muajin Gusht erdhi si pasoje e rritjes se indeksit te grupit “Transporti” me nje rritje te konsiderueshme prej 2.4 perqind, e cila u diktua nga rritja e cmimit te naftes ne tregjet nderkombetare, e reflektuar edhe ne rritjen e cmimeve te karburanteve ne tregun vendas, me rreth 6.4 perqind. Kjo rritje ndikoi ne rritjen e cmimeve te biletave te transportit uxor me 23.3 perqind dhe transportit ajror dhe te atij me furgona, respektivisht me nga 2.5 perqind.

Rritje ne kete muaj pesoi edhe indeksi i cmimeve per grupet “Sherbimi arsimor” me rreth 1.4 perqind, “Ushqime dhe pije joalkolike” me nje rritje prej 0.4 perqind.

Ulje te indeksit rezultoi ne grupet “Veshje e kepuce” me rreth 1.4 perqind, “Hotele, kafene dhe restorante” me rreth 0.3 perqind, etj.

Norma vjetore e inflacionit ne muajin Gusht arriti ne 2.3 perqind duke qendruar brenda objektivit te Bankes se Shqiperise.

Ndryshimet vjetore te indeksit te çmimeve te konsumit, ne perqindje, per vitet 2004 dhe 2005 paraqiten ne tabelen e meposhtme :

	Jan	Shku	Mars	Prill	Maj	Qer	Korr	Gusht	Shta	Tet	Nen	Dhj.
2005	3.3	1.8	1.6	1.3	2.0	2.9	1.8	2.3				
2004	3.3	4.4	4.0	3.2	2.6	2.9	3.1	2.7	2.0	2.0	2.2	2.2

Kursi mesatar i këmbimit

Kursi mesatar i këmbimit të lekut me dollarin amerikan, ashtu si një muaj më parë vazhdoi trendin rënës, duke pësuar një ulje të konsiderueshme prej 2.1 përqind kundrejt muajit Korrik 2005. Në fund të muajit Gusht ky kurs këmbimi arriti vlerën prej 100.84 leke/ dollarë.


Kursi mesatar i këmbimit për Dollarin në muajin Gusht arriti në 99.17 leke/dollare.

Kursi mesatar i këmbimit për Euron në muajin Gusht arriti në 121.94 Leke/Euro duke shënuar një rënie të lehtë prej 0.05 përqind krahasuar me një muaj më parë, por duke arritur nivelin më të ulët që prej daljes së saj në tregjet ndërkombëtare. Në fund të muajit Gusht 2005, Euro u këmbye me 123.15 leke.

Gjatë këtij muaji u konstatua një mbicim i lehtë i lekut kundrejt dy monedhave kryesore, Euros dhe Dollarit amerikan, ndikuar edhe nga tregjet ndërkombëtare. Ndikim pozitiv, kanë patur edhe flukset hyrëse të valutes së huaj, kryesisht euro, rrjedhojë e sezonit turistik.


Në krahasim me muajin Gusht të vitit të kaluar rezultoi se monedha shqiptare është vlerësuar si ndaj monedhës europiane ashtu edhe kundrejt dollarit amerikan, respektivisht me 2.5 përqind dhe 3.3 përqind.

Ndryshimet ditor të kursit të këmbimit Gusht 2005



Ndikimin më të madh në ecurinë e kursit të këmbimit të dollarit amerikan e ka luajtur faktori i jashtëm, gjë që ka reflektuar ecurinë e tyre edhe në tregun tone valutash. Kursi i këmbimit të euros me dollarin amerikan pësoi një rritje mesatare duke arritur në rreth 1.23 dollarë/euro.

Interesi i huave 12-mujore ne muajin qershor u rrit me rreth 0.98 perqind, duke arritur ne 11.62 perqind nga 10.64 perqind qe ishte nje muaj me pare. Ndersa norma per interesin e huave 6-mujore pesoi nje renie te konsiderueshme me 3.98 perqind, krahasuar me muajin maj. Interesi i huave 6-mujore per muajin qershor arriti 10.62 perqind.



Normat e interesit te Bonove te Thesarit per muajin qershor, per bonot me maturim 12 mujor, 6 mujor dhe 3 mujor, ishin respektivisht 6.78 perqind, 6.37 perqind dhe 5.06 perqind.

Nje faktor tjetër qe ka ndikuar ne uljen e normave te interesit te letrave me vlere deri ne fund e muajit qershor, ka qene pervec uljes se interesave ne fund te muajit mars nga ana e Bankes se Shqiperise edhe konkurenca nderbankare ne kete treg.

b. Sektori Fiskal

Buxheti i Konsoliduar

Ne fund te muajit Gusht, jane mbledhur rreth 125,230 milione leke te ardhura, perkundrejt shpenzimeve te pergjithshme prej 140,682 milione leke, qe perfshijne 121,716 milione leke ne shpenzime korente dhe 18,966 milione leke shpenzime kapitale.

Si rrjedhim, deficitin ishte ne nivelin e 15.4 miliarde leke.

Mbledhja e te ardhurave deri ne fund te muajit gusht, perben rreth 60.64% te totalit te te ardhurave buxhetore te parashikuara per vitin 2005, ndersa shpenzimet perbejne 56.57% te buxhetit te planifikuar. Shpenzimet korente jane rreth 63.11 % e planifikimit vjetor, ndersa shpenzimet kapitale jane rreth 37.54 % e ketij planifikimi.

Nga te ardhurat gjithsej, pjesa e te ardhurave te mbledhura nga Drejtoria e Pergjithshme te Tatimeve dhe Doganave eshte rreth 83,611 milione leke (ose rreth 61.83 % e te ardhurave vjetore te planifikuara), te ardhurat e mbledhura nga pushteti vendor 7,794 milione leke (75.27 % e te ardhurave vjetore te planifikuara), kontributet e sigurimeve shoqerore dhe shendetesore 23,028 milione leke (62.81 % e te ardhurave vjetore te planifikuara), dhe te ardhurat jo-tatimore ne nivelin e 9,339 milione leke (53.81 % e te ardhurave vjetore te planifikuara).

Nga totali i shpenzimeve korente prej 121,716 milione leke, 33,571 milione leke (28 %) eshte shpenzuar per personelin, 17,972 milione leke (15 %) per interesat, 14,530 milione leke (12 %) per shpenzime operative dhe mirembajtje, 2,159 milione leke (2 %) per subvencione, 35,867 milione leke (29 %) per shpenzimet e sigurimeve shoqerore dhe shendetesore dhe 17,618 milione leke (14 %) per shpenzimet e qeverisjes vendore dhe shpenzimet e tjera.

Keto perfaqesojne 60.78 % (shpenzime personeli), 60.17 % (shpenzime per interesat), 66.19 % (shpenzime operative dhe te mirembajtjes), 78.92 % (subvencione), 65.01 % (sigurimet sociale), 62.40 % dhe 64.40 % (per shpenzimet e qeverisjes vendore dhe shpenzimet e tjera) perkundrejt buxhetit te planifikuar vjetor.

Shpenzimet kapitale arriten ne rreth 18,966 milione leke, nga te cilat 67 % financim i brendshem, dhe 33 % financim i huaj.

Shpenzimet kapitale me financim te brendshem, llogariten per kete periodhe ne rreth 45.40 % te buxhetit te parashikuar vjetor, ndersa financimi i huaj eshte vetem 27.81 %.

Deficiti prej 15,452 milione leke eshte i barabarte me 36.65 % te deficitit buxhetor per 2005.

Të ardhurat sipas Burimeve / Klasifikimit Ekonomik

Te ardhurat gjithsej arriten në fund të muajit Gusht 2005 ne rreth 125,230 milione lekë, nga të cilat të ardhurat tatimore ne rreth 114,433 milione, grantet 1,457 milione dhe të ardhurat jo-tatimore ne rreth 9,339 milione;

Nga totali i të ardhurave tatimore, rreth 83,611 milione lekë janë mbledhur nga administrata e doganave dhe e tatimeve, 7,794 milione lekë të ardhura nga pushteti lokal dhe 23,028 milione leke nga kontributet e sigurimeve shoqerore dhe shendetesore;

Nga të ardhurat totale të mbledhura deri në fund të gushtit rezulton se:

□ TVSH	38,937 milionë lekë
□ Tatimi mbi fitimin	12,144 milionë lekë
□ Taksa doganore	8,159 milionë lekë
□ Taksat nacionale	6,296 milionë lekë
□ Akcizat	11,109 milionë lekë
□ Transferim fitimi nga Banka e Shqipërisë	3,026 milione lekë;

Financimi i deficitit

Deficiti prej 14.4 miliardë lekë, në fund të muajit Gusht, u financua në masën 81.5 përqind me financim të brendshëm dhe 18.5 përqind me financim të huaj. Emetimi i bonove të thesarit ishte mjeti kryesor i financimit të brendshëm, ndërsa për financimin e huaj ishte huatë afatgjatë.

c. Sektori i Jashtëm

Bilanci i Pagesave

Tiparet kryesore të bilancit të pagesave për periudhën Janar - Mars 2005 ishin:

Një sufiçit i përgjithshëm, prej 12.7 milion dollarë, rezultoi ky i një:

- deficieti të Llogarise Korente, prej 56.3 milion dollarë ;
- sufiçit të Llogarise Kapitale, prej 46.6 milion dollarë ;
- sufiçit të Llogarise Financiare, prej 19.5 milion dollarë ;
- bilanci negativ në Gabime dhe Harresa neto“ prej 2.8 milion dollarë .

Komponentet kryesore të deficietit të Llogarise Korente prej 56.3 milion dollarë ishin një:

- bilanci tregtar negativ prej 363 milion dollarë ;
- deficit prej 37 milion dollarë në bilancin e shërbimeve ;
- sufiçit prej 46.4 milion dollarë në bilancin e të ardhurave ;
- sufiçit prej 297.4 milion dollarë në levizjet e transfertave dhe derguesave.

Zërat kryesorë në flukset pozitive në llogarinë kapitale dhe llogarinë financiare përfshijnë:

- flukset pozitive të investimeve direkte prej 54 milionë dollarë,


- flukset negative të investimeve në investimet fizike prej 56.3 milionë dollare
- flukset pozitive të kapitaleve të tjera prej 15.7 milionë dollare.

d. Sektori Monetar

Mjetet Valutore Neto te sistemit bankar

Gjate muajit Qershor 2005, sistemi bankar ka shenuar rritje te mjeteve valutore neto, ne rreth 257.6 milione dollare krahasuar me te njejten periudhe te nje viti me pare, duke rezultuar me ritme rritjeje me te ulta ne krahasim me periudhat e kaluara.

Ecuria e M.V.N te sistemit



Kjo rritje ka ardhur si pasojë e rritjes së mjeteve valutore neto të bankave të nivelit të dytë me rreth 102.2 milionë usd, ndërkohë që mjetet valutore neto të Bankës së Shqipërisë, janë rritur me 155.4 milionë dollare.

Në muajin qershor sistemi bankar rezultoi me një ulje prej 29 milionë dollarësh në mjetet valutore neto, krahasuar me një muaj më parë. Zhvlerësimi i euros kundrejt dollarit amerikan krahasuar me muajin maj, si dhe ulja e flukseve hyrese dhe dalese të valutes nga burime të tjera, duket se kanë qenë faktorët kryesor të uljes së mjeteve valutore neto të sistemit bankar, duke ndikuar direkt në uljen e vlerës së portofolit në euro të rezervës valutore, dhe mjeteve valutore neto të Bankës së Shqipërisë.

Kredita për ekonomine

Tëprica e kredive për ekonominë në fund të muajit qershor 2005 arriti në 95.9 miliardë leke. Rritja e tëpricës së kredive krahasuar me një vit më parë shënoi vlerën 35.9 miliardë leke, me një rritje prej rreth 60 për qind. Krahasuar me një muaj më parë kjo rritje ishte 7.2 miliardë leke duke përbërë edhe rritjen më të madhe mujore gjatë gjithë kësaj

periudhe te vitit te fundit. Kredia ne leke, kahasar me nje muaj me pare, u rrit me 3.3 miliarde leke, duke arritur ne rreth 22 miliarde leke.

Nga struktura e teprices se kredise sipas afateve verehet nje rritje e peshes se kredive afatgjata, te cilat arriten ne 33.1 perqind, nga 26.8 perqind qe ishte nje vit me pare. Teprica e kredise sipas monedhave vazhdon të mbizoterohet nga kredia në valute, duke perbere 77.1 perqind te totalit te teprices se kredise. Gjate kesaj periudhe vihet re një angazhim në rritje i bankave drejt kredisë me afat maturimi mbi 1 vit, duke ulur ndjeshëm financimin e ekonomisë me kredi afatshkurtër.

Hyrja e bankes “Raiffeissen” ne tregun e kredidhenies, i ka nxitur bankat te tregohen me aktive ne tregun e kredise duke shfrytezuar mundesi te reja. Nje rol te rendesishem ne rritjen e vellimit te kredise afatgjate mendohet qe te kete luajtur edhe forcimi i marrëdhënieve midis bankave dhe klienteve te tyre, bizneseve dhe individeve. Ketyre te fundit po i kushtohet me shume vemendje nga bankat, sikurse konstatohet edhe nga rritja e vazhdueshme e portofolit te kredise per individet.

Forcimi i marrëdhënieve bankë – klientë, po rrit besimin e bankave për të investuar më shumë në aktivitetin kreditues, duke rritur rolin e tyre si ndërmjetës financiarë.


Gjashtemujori i vitit 2005, ka forcuar me tej tendencen renesë te kredise per sektorin e tregtise, si dhe nje mbeshtetje me te madhe me kredi per sektoret prodhues dhe per blerjen e pasurive te paluajtshme. Nje zhvendosje e tille pasqyron tendencen e bankave per te ofruar produkte te reja, ne pershtatje me kerkesat e bizneseve dhe te individeve. Megjithate kredia e re akorduar per sektorin e tregtise vazhdon te mbetet mbizoteruese me rreth 19.5 perqind te totalit te pergjithshem te kredise. Gjithashtu mund te permendim edhe sektorin prodhues, pasurite e paluajtshme , si dhe ndertimin, i cili per kete periudhe arriti ne 11.5 perqind te totalit.

Oferta e Parasë

Oferta e parasë (e matur me M3), per muajin qershor ka shenur nje rritje prej 1.76 perqind, karahasuar me muajin maj '05. Kjo oferte kapi shifren rreth 542 miliardë lekë në fund të muajit qershor. Rritja vjetore e ketij treguesi ishte 18 perqind, duke shenur nje rritje prej 6.83 pikeshe perqindjeje kundrejt nivelit te rregjistruar ne muajin dhjetor. Pershpjtimi i ritmit te rritjes se ofertes monetare i dedikohet rritjes me te larte te depozitave ne valute.

Niveli i parase jashte bankave eshte rritur ndjeshem me 5.1 miliarde leke ne krahasim me muajin dhjetor 2004. Rritja vjetore e ketij treguesi ishte 14.9 perqind. Rritja e theksuar e ketij treguesi gjate muajit qershor është favorizuar kryesisht nga faktore me ndikim të përkohshëm si, rimbursimi i kreditoreve të firmave piramidale, perqendrimi i kerkeses per para te qeverise në periudhën e zgjedhjeve, dhe rritja e lartë e kredisë për ekonominë në lekë në muajin qershor.

Raporte te parase jashte bankave



Raporti i parase jashte bankave ndaj ofertes monetare, ne fund te muajit qershor arriti ne 25.1 perqind duke shenuar nje rritje te lehte prej 0.56 perqind ne krahasim me muaj.

Raporti i parase jashte bankave me depozitat ne muajin qershor arriten shifren prej 33.5 perqind duke pesuar nje rritje prej 1.0 perqind krahasuar me muajin maj.

Depozitat ne leke si perberesi kryesor i ofertes monetare, kane mbetur pothuajse te pandryshuara krahasuar me nje muaj me pare. Depozitat ne valute, ne fund te muajit qershor 2005 kane shenuar nje rritje prej 3.6 perqind ne krahasim me muajin maj. Norma vjetore e rritjes se tyre ne fund te muajit qershor arriti ne 30 perqind nga 17 perqind qe ishte ne fund te muajit dhjetor. Kjo ecuri e depozitave ne valute ka pasqyruar rritjen e efektit vjetor te kursit te kembimit te lekut gjate periudhes janar – qershor.

Ritmi i rritjes se ofertës monetare ne lekë, ka qene ne rritje, duke reflektuar rritjen e kërkesës për para të qeverisë dhe të ekonomisë, ne muajin qershor.

Gjithashtu, rritja e ofertes monetare gjate kësaj periudhe, ka reflektuar edhe zhvillimet pozitive ne drejtim te thellimit te ndermjetesimit financiar ne vend dhe konsolidimit te besimit ne sistemin bankar. Kontributi i kredise per ekonomine ne gjenerimin e mjeteve monetare ne leke ka ardhur ne rritje.


Depozitat sipas Burimeve

Kjo tabelë tregon përbërjen e depozitave te cilat kontribuojnë ne përkufizimet e ndryshme të ofertës së parasë (Tabela 15) sipas llojit të depozituesve.

Një shqyrtim i tabelës tregon se gjate muajit qershor 2005:

- Sektori i individeve, zuri nivelin me te larte te depozitave pa afat ne leke me 43 perqind, ndjekur nga sektori privat me 34 perqind dhe nga ndermarjet jofinanciare publike me 18.61 perqind.

- Individet si edhe sektori privat ishin gjithashtu burimi me i rëndësishëm i depozitave pa afat në monedhe të huaj, perkatesisht me rreth 44.4 perqind dhe 43.8 perqind.
- Familjarët ishin dukshëm burimi me i rëndësishëm i depozitave me afat në lekë (96.47 përqind e totalit) dhe depozitave me afat në monedhe të huaj (me 90 përqind e totalit te depozitave;
- Në përgjithësi, familjarët përbëjnë pjesën më të madhe (rreth 83.32 përqind) të depozitave totale prej 406 miliardë lekësh ne muajin qershor 2005. Ata ndiqen nga sektori privat (12.08 përqind), ndërrmarjet publike jo-financiare (3.44 përqind) dhe autoritetet lokale (0.66 përqind). Institucionet financiare kontribuan me 0.51 për qind ne totalin e depozitave.



- Gjatë muajit qershor 2005, krahasuar me nje muaj me pare, niveli i përgjithshëm i depozitave u rrit me 3.49 miliardë lekë, si rezultat i rritjes se depozitave me afat ne leke (0.96 miliard leke), depozitave me afat ne monedhe te huaj (1.29 miliard leke), depozitave pa afat ne valute (2.72 miliarde leke) dhe uljes se depozitave pa afat në lekë (- 1.49 miliardë lekë).

- Depozitat pa afat ne leke te familjareve pesuan nje renie prej rreth 0.57 miliarde leke, ndersa depozitat me afat ne leke te familiareve pesuan nje rritje prej rreth 0.53 miliarde leke gjate muajit qershor.